

SCRIPT OF MORNING GOJRI NEWS BULLETIN

26APRIL 2025 1015HRS

مارننگ گو جری نیوز بلیٹن مورخہ 26 اپریل 2025

یوہ آکا شوانی جموں ہے محمد اکرم تیں خبر سُنو۔

PM ROZGAR MELA

وزیر اعظم نریندر مودی اج ویڈیو کانفرنسنگ غے زریعے مختلف سرکاری محکماں تے اداراں مانہ نوکری پان آلاں نوجواناں نانہ ۵۱ ہزار تیں زیادہ تقرری نامہ تقسیم کریں غا۔ یوہ ۵۱ ووں روزگار میلو ملک گا ۷۴ مقامات ور منعقد وے گو جن مانہ جموں کشمیر وی شامل ہے۔ اس موقع ور وزیر اعظم مودی نوجواناں تیں مجازی طور ور خطاب کریں غا۔

INDIA WATER TREATY

مرکزی جل شکتی غا وزیر سی آر پاتل نے پاکستان غے نال ۰۶۹۱ غی دیائے سنگھ آبی معاہدہ نانہ معطل کرن غی اہمیت ور زور دتو ہے اُنہاں نے کہیو کہ حکومت اس گل نانہ یقینی بناوے غی کہ سندھ دریا گو ایک وی قطرو پانی نہ جے۔ سئی آر پاتل نے یاہ گل گزشتہ روز دہلی مانہ وزیر داخلہ امت شاہ غی صدارت مانہ ہون آلی ایک اعلیٰ سطحی اجلاس تیں بعد زرائع ابلاغ نال گل کرتا واں کہی۔ اُنہاں نے دسیو کہ حکومت نے ایک روڈ میپ تیار کرلیو ہے جس مانہ پاکستان غی طرف پانی جان نانہ روکن غی ۳ حکمت عملیاں ور گور کیو گیو ہے۔

LG MEET

لیفٹیننٹ گورنر منوج سنہا تمام ڈپٹی کمشنراں تے ایس ایس پی نال ایک میٹنگ غی صدارت کی۔ تے اس دوران اُن نے ہدایت کی جے وزارت داخلہ گا حکم گے مطابق پاکستانی رہائشاں نانہ باہر پیجن واسطے تمام ضروری اقدامات کریں وزارت داخلہ نے پاکستانی باشنداں نانہ جاری موجودہ درستا ویزا نانہ منسوخ کردتو ہے تے ۷۲ اپریل ۵۲۰۲ توڑی گا طبی سفارتی سرکاری تے لمہ ویلہ واسطے لگا ویزا مانہ قائم رکھیو ہے اُنہاں نے پاکستانی شہریاں گا طبی ویزا صرف ۹۲ اپریل توڑی جائیز قرار دتا ہیں لیفٹیننٹ گورنر نے اہلکاراں نانہ ہدایت دتی ہے اس سلسلہ مانہ جاری حفاظتی پروٹوکال تے پچھلی میٹنگاں مانہ جن تدابیر ور غور وخصوص کیو گیو تھو اُن ور سختی نال عمل کریں۔

CM TOURISM

حالیہ پہلگام دہشت گرد حملہ کا نتیجہ مانہہ وزیر اعلیٰ عمر عبداللہ نے سرینگر مانہہ سیاحت تے تجارت گا شراکت داراں نال ایک میٹنگ کی اس دوران ایک منٹ کاموش رے گے پہلگام مانہہ ۶۲ ہلاک لوکاں نانہہ خراج عقیدت پیش کی میٹنگ گے دوران وزیر اعلیٰ عمر عبداللہ نے حملہ کی سخت لفظاں مانہہ مزمت کی تے وادی کی ایکتا ور زور پایو اُنہاں نے کہیو جے اس حملہ غے خلاف متعدد جواب ڈر تے تقسیم گے خلاف ایک مضبوط پیغام پہنچے گو اُنہاں نے تجارتی برادری کی مالی پریشانی گا مقابلہ یکجہی نانہہ ترجی دین واسطے تعریف کی۔ اس دوران اُنہانے مہاراشٹرہ ٹور اینڈ ٹریول چالکاں نے ایک مقامی نوجوان آدل حسین شاح گا گنہہ جس نے سیاحاں نانہہ بچان کی خاطر اپنی جان گوائی ہے گے نال ایک طویل حمایت گو وعدو کیو ہے اُنہاں نے لوکاں نال اظہار یکجہی کرتا واں کشمیر گا دورہ منسوج نہ کرن کی تصدیق کی۔

DY CM MAHARASHTRA

پہلگام مانہہ دہشت گرد حملہ گا تناظر مانہہ جموں کشمیر کی سرکار نے جموں کشمیر زیر انتظام علاقہ توں باہر رے ربیا شہریاں نال رابطہ واسطے فعال اقدامات چارہی ہے اس سلسلہ مانہہ نائب وزیر اعلیٰ سریندر چوہدری اج ممبئی گو دورو لایو گا مہارا راشٹرہ مانہہ حالیہ رہائش پزیر تیجارت لیڈراں طالب علماں جموں کشمیر گا دوجا اُت رے ربیا لوکاں نال ملاقات کریں گا اس دورہ گو مقصد لوکاں مانہہ حفاظت تے تکجہی احسا پیدا کرنو ہے خواہش مند لوک یا گروپ نائب وزیر اعلیٰ گا ایڈیشنل پی آر او وکاس سیٹھی نال میٹنگ گا سڈیول متعلق ان نمبرات ور رابطو کرسکیں۔ نمبر ہیں 9622491579-----7780926074

DC KISHTWAR

ڈپٹی کمشنر کشتواڑ راجیش کمار شون نے ایس ایس پی نریش سنگھ گے ہمراہ کشتواڑ مانہہ دریا چناب ور تعمیر بکل ڈل بجلی منصوبہ گو دورو لایو تے اُت زمینی سطح ور حفاظت کی خاطر خواہ جائیزو لیو اُنہاں نے اُت اہم مقامات ور مزید سی سی ٹی وی لان کی ہدایت کی واضع رہ جے یوہ دورو پہلگام مانہہ دہشت گردانہ حملہ گے بعد بھارت پاکستان درمیان دریا سند آبی معاہدہ نانہہ بھارت کی طرفوں منسوخ کرن گا سلسلہ مانہہ بجلی منصوباں کی حکمت عملی کی اہمیت نانہہ اُجاگر کرے۔

PM MANN KI BAAT

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ پلک آکا ش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 121 ویں قسط وے غی۔۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جا ئے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جا ئے گو۔ آکا ش وانی اس پروگرام غی بندی نشریات غے فوراً بعد اس نانہہ علاقائی زبانان مانہہ وی نشر کرے گو۔
